

〈如來神力品第廿一〉

【一品大意】《法華經授手》卷 9：「此品由前廣說持經之功。復示自持之行。則當機圓悟已極。已遂如來出世本懷。且又得地涌持經之眾。故如來歡喜。乃極盡神力而印證之也。且欲令當機達平等法界。直令觀佛境於目前。見淨土於當下。法利既圓。法王之家業可付。然品初必以地涌之眾而發起者。正顯自心性德滿足。乃為法華全體。故如來即現神力。遍身毛孔皆放光明。舌至梵天。地皆震動。所謂通身吐露。徹底掀翻也。諸佛同放光明。以顯佛佛道同。十方諸佛同坐光中。空中出聲。遙讚釋迦說法華經者。顯十方諸佛心心相應也。十方世界通達無礙。如一佛土。乃昭廓法身真境。以消二乘限量之心。世尊至此極盡神力。發揚此經功德不盡者。由如來所有一切之法。一切自在神力。一切秘密之藏。一切甚深之事。皆於此經宣示顯說故。久默斯要。今乃說之。以其難信難解者。今已信解。所謂悟佛知見。而奉持之功德。亦非思量可及。開示至此。顯理已圓。故盡佛神力。以印證之。所以判此品為顯理之極也。」(X32, p.785c7-24)《法華經大成》卷 8：「此品來意。總收正宗。…正宗既訖。意將流通。利澤萬古。故此品地涌之眾願分身所在國土。持說此經。如來現大神力。嘉讚經德。發起群心。將此一部法華。遍空遍界。顯說密說。塵塵剝剝。一切大眾見聞信受。大喜充身。故流通分首。而明如來神力。神名不測。力名幹用。不測天然之體深。幹用則轉變之力大。為付囑則深法。現十種大用。故名神力品。」(X32,p.514b15-c4)

P. 675, L. -7【甲三】

甲初通敘迹本兩門(p.32:-2)。

甲二別說迹本兩門(p.76:3)。


P. 675, L. -7【分為三】如右科判

P. 675, L. -5【菩薩受命】

如後 p. 676，從地涌出之千世界微塵等菩薩摩訶薩。

P. 675, L. -5【如來摩頂】

如後 p. 685，釋迦牟尼佛以右手三摩無量菩薩摩訶薩頂。



P. 675, L. -1【十種大力】參考 p.677。《法華經大成》：初舌相上舒、二通身放光、三攝舌磬_レ、欸(《或_レ万_レ)、四諸佛彈指、五十方震動、六普見大會、七諸天唱勸、八眾生歸命、九遙申供養、十世界合一。

P. 676, L. 4【從地涌出者】《法華經授手》卷 9：「地涌之眾。本為弘通大法而來。當時由會眾陳疑請問。佛為顯本門大事。開導未畢。故不暇陳來意而發願也。然迹本二門流通之機。各有兩層。如迹門，如來唱募流通。而新記皆已發願此方他方(p.498+499)。實未恰佛本意。但顧視八十萬億菩薩(p.501)。始有持品及安樂行。而成如法流通也。今本門亦有兩層。前囑累(疑應是分別品)、隨喜、法師三品。亦不盡如來本意。今得涌出大眾各陳本念。則如來懸懷可罄。而此心無慮矣。須知二門流通之眾。前位僅可自利。而後位得真如大用。全身擔荷。故使如來雪釋所懷。現神喜幸。為付囑耳。」(X32,p.786a20-b6)

P. 676, L. 7【發誓宏經】《法華經授手》卷 9：「知音云。究其語意。于處之廣狹。心之緩急。較前有兩不同於持品諸發願者。何故？藥王等雖各發願此方、他方周旋往返十方持經(p.498+502)。然但奉佛命。不得佛心。故佛不放心瞑目而付囑也。惟此千世界塵眾發願。舉其處則曰。於佛滅後，世尊分身所在國土滅度之處。是持經之處。無量擴乎。其不止於周旋往返一佛滅後之十方世界也。以佛分身無量。世界亦無量故。舉其心則曰。我等亦自欲得是真淨大法。是持經之心。無倦恢乎。其不同於八十萬億那由他菩薩言。我等敬信佛悉忍是諸惡(p.504)。惟願世尊在於他方遙見守護。以畏惡求護。終是賴佛行事。今此大眾。自欲得真淨法。則上不恃佛。下不畏惡。故得佛命。而愜佛心。即現神力而囑累也。」(X32,p.786b8-20)

P. 677, L. 4【出廣長舌】《妙法蓮華經文句》卷 10：「一、吐舌相者，今經所演開三顯一、內祕外現、廢近顯遠，明三世益物皆誠諦不虛。福德人舌至鼻，三藏佛至髮際，今至梵天，出過凡聖之外，極於淨天之頂，相既殊常，說彌可信。」(T34,p.141c21-25)足證更要誠信《彌陀經》中之十方諸佛出廣長舌相，「遍覆三千大千世界」。《阿彌陀經要解》：「言廣長舌相者，尋常之人，三世不妄語則舌能至鼻；藏頭果佛，三大阿僧祇劫久不妄語，故舌薄而廣長出可覆面。今證大乘淨土妙門，所以遍覆三千大千世界，用表言必誠實，決非虛謬也。」(T37,p.372c18-22)

P. 677, L. -5【毛孔放光】《妙法蓮華經文句》卷 10：「二、通身毛孔遍體放光，周照十方，無處不朗，表智境罄也。上白毫吐耀，始在東方，表七方便初見一理，今本門既竟，放一切光照一切土，能令初因，終于等覺，究竟佛慧，分身諸佛亦復如是。」(T34,pp.141c25-142a1)《法華經授手》卷 9：「此如來以毛孔光現。充周十方，無遮障大神力也。經凡三會放光。最初於眉間白毫放光。但照東方萬八千土者(p.84)。特於淺近中。示現此境。為一切未知者令其知且識也。次於三變土處。亦放是光。照東方五百萬億那由他恒河沙國(p.467)。如是次第。遍照八方。較前方土增勝。是擴充前境。令其知識深增廣達耳。前但一毛(白毫)。今則一切毛。前只一色。今無數色。前照少方。今則十方。此所謂以無數方便。漸令入佛智。先則曰甚深無量難解難入(p.136)。至此則透頂透底。無餘蘊矣。」(X32,p.786c15-24)

P. 677, L. -2【滿百千歲】《法華經授手》卷 9：「此如來以暫作久。幻變三際。現延促同時大力也。一時吐舌。延百千歲。非大神力而何。攝，收也。還攝。對上出舌言。直指云。諸佛證得三際平等，真俗一如。乃能延剎那為一劫。促一劫為剎那。以其心量不存。則法界量滅。法界無量。而延促如幻。是佛尋常受用三昧。但對新機。故曰神力。」(X32,p.787a7-12)

P. 677, L. -2【五十小劫】參考 p. 559-560。『五十小劫。佛神力故。令諸大眾謂如半日。』

P. 678, L. 2【警欬】「欬」：亦作「咳」，咳嗽。～《漢語大詞典》《妙法蓮華經文句》卷 10：「三警咳者，將語之狀也，亦是通暢之相也。四十餘年，隱祕真實，今獲伸舒，無有遺滯，是我出世大事通暢，是故警咳，欲以此法付諸菩薩，令於後世導利眾生，將語斯事是故警咳。警咳具二義：一聲咳事了，二聲咳付他也。」(T34,p.142a1-6)《法華經授手》卷 9：「此如來以彈欬聲。現普徧十方無隔礙大神力也。攝舌相後。將欲發聲。故曰警欬。警欬彈指。何言神力？神力在『一時、俱共』四字中見得。蓋三變土中之分身佛。數量無際。如是多佛。俱共一時警欬彈指。釋迦不先。分身不後。二種音聲齊遍十方。此非大神力耶。要知我如來以全體大用。直顯本地風光。使一切人。透脫玄關金鎖。具頂門眼。所謂咳吐掉臂。皆向上機。此正涅槃會上拈華旨也。前此四大神力。係佛身自出。諸分身佛亦然。以下六神力。乃佛聲光之力。及被佛聲光之力。轉次所現也。」(X32,p.787a14-23)

P. 678, L. -3【地皆六種震動】《妙法蓮華經文句》卷 10：「五、地六種動者，表初心至後心，六番動無明，今明復動一切人六根，令得清淨也。」(T34,p.142 a9-11)《妙法蓮華經文句》卷 2：「今釋地六種動，表圓家六番破無明，無明磬礪未曾侵毀，方將破壞，故動地以表之，無明若轉，即變為明，故普佛世界六種震動也。六種表住、行、向、地、等、妙六番也。」(T34,p.28c19-23)《法華經授手》卷 9：「此佛聲光威神之力。動彼十方諸地相也。神力不在震動。而在『諸佛世界地皆六種』八字上見。如來出世大事本迹二門開彰已畢。故出舌相以表真實。會眾見相。已信如來言無虛妄。佛復欲完白毫中圓具十界之相。使人更知不唯一毫如是。則毛毛孔孔無不皆然。如此者。則色遍十方矣。色既如是。聲亦皆然。所以有警歎、彈指俱遍十方之聲也。且色聲但屬眼耳。而鼻舌身意未嘗顯示。故于此又現大神力。致諸佛世界此感彼應。以至六種震動。則是六種震動。正顯六根大用全彰。使會眾因知自己，根根塵塵周遍法界。始不疑諸佛智慧何故甚深無量難解難入也。」(X32,p.787b2-13)

P. 678, L. -1【普見此間大會】《法華經授手》卷 9：「此佛聲光不思議之力。開彼十方眾生見勝相也。眾生。即指前所震動之十方普佛世界中所有一切眾生也。眾生何由得見娑婆世界無量諸佛及菩薩四眾等?以佛神力故也。惟佛以神力現示。故頓使一切眾生同於一時。齊成正覺。開佛知見。知見既開。則無所不見。雖世界如是廣遠。諸聖如是眾多。無不分明顯現。圓見無移。那得不大歡喜。得未曾有耶。」(X32,p.787b15-22)

P. 678, L. -1【五千起去】《妙法蓮華經文句》卷 10：「六、普見大會者，表諸佛道同也，而今而後，亦復如是。上五千起去(p.162)，三變被移(p.468--469)，既失本心，不能現益，宜以非滅現滅，從諸菩薩弘經得道，入於佛慧，如今會無異，亦表未來有機一也。」(T34,p.142a11-16)

P. 679, L. 4【諸天高聲唱言】《法華經授手》卷 9：「此佛聲光不思議力。令彼十方諸天見勝勸供相也。諸天何由得聞娑婆世界有釋迦牟尼?為諸菩薩說此大法。亦以佛神力故也。惟佛以神力現示。故於真俗圓融中。有此聲作此語。知此三寶。告此眾生。教令深心隨喜。則知如此深境。非此深心。不能契會。此禮拜供養。所以不容己也。」(X32,p.787b24-c5)